


# Tanurtem asoshi Laishibai

## agütsür



Kodak,  
Tebur  
Tajung  
Tsüngrem  
Ki



Tezülutsür: Edward Hughes

Ratettsür: Lazarus  
Alastair Paterson

Yanglushitsür: Sarah S.

Meyipzüksür: Naro Aochenlar


Tadoktsür: Bible for Children  
[www.M1914.org](http://www.M1914.org)

©2020 Bible for Children, Inc.

Temelaba: Iba otsü nai copy asütsü mesüra menünzungzüksü akok,  
saka ayuktsü memelar.



Yisu alima nung alidang Pa nütsüngtem dang kotak  
indang shia liasü. Pai kotak dang "Ku Bu li", ta ja  
liasü aser ashi yangji ki tulu  
tajung aika lir. Aser  
kotakji alima nung ki  
tulu kecha tena  
metemdangtsü  
makok.



Yisui ashi, "Ni nenok asoshi talidak renemi aotsü.  
Aser kodang ni nenok asoshi talidak renemdir, ni  
tanaben arutsü aser pei dangi nenok agizüktsü."  
Aser atangji Yisu tasü nungi shia aru aser kotaki ao.  
Pa nütsüngtemi repranga alidang, Yisu mepet nung  
ayiba anir ao.





Iba atalokba sülen, alima nung Khristanpur temi Yisu  
parnok dangi tanaben arutsü ta ashiba matoki lir.

Yisui ashi, Pa ajungben aser yimla maliba  
mapang arutsü. Saka Khristanpur shirnok

Pa tanaben marudang alima nungi  
pilar, parnok koda asütsü? Iba  
indang telangzüba Laishiba  
nung ashir, parnok Indang  
indanga Yisu dangi aotsü.


**Kibuba  
den lir**

Shi nung maliyongbo  
parnok Tsüngrem

den alitsü.



Jungkai Adokba, koba Laishiba nung tatembangbuba  
kaket lir, yangji kotak koda jangratemtsü, iba  
indang shia lir. Ano ajak dang alia tajungtibaji,  
kotakji Tsüngrem lir. Tsüngrem ajak nung lir, saka  
Pa menden kotak nung lir.



Tenyartem aser kotak nung shirnoksa ali  
parnoki Tsüngrem külemer. Aser ano  
Tsüngrem nisung shirnok süogo,  
parnok kotak nung lir. Parnoki  
Tsüngrem tenüngsang ken  
tena Tsüngrem tushir.



Yangi parnoki atenba ken ka nungi ojang kar yamai:  
'Kechiaser na tepsetogo, aser ne zü agi kidong, oshi,  
nüber aser kintem ajak rongnungi  
Tsüngremer nüber tem asütsü  
parnok alangzükogo, aser asen  
Tsüngrem madang tenzüktsü  
asoshi nai parnok chuba yimli  
aser putirtem  
kümdaktsü.'  
(Jungkai  
Adokba 5:9)



Kotakji "Tasen Yirusalem" ta Laishiba tatem len shia angur. Iba lung tsüki kangadang tulu, aser jara tesülen lung tsüki talang agi meketa lir. Jaraji jasper agi yanglu, tanüdangtsü temeruk mesüker. Yimti lung tsüki tamendakdakji senti lung tapu ajak

agi

tobur

junga

yanglu.


Aser yimti

sünkkum


bong shiaji

berem kaka

agi yanglu.




Item süngküm bongtem kodanga meshibanger.  
Asenoki telungi yia reprangdangti ... WOW! Kotak  
ya tama dang nungibo telungang tajungba. Iba yimti,  
hon temeja agi yangluba, tenüngdangtsü temerük  
mesüka. Yimti  
yimdongjia hon  
temeja agi  
menokba  
lir.




Tsüngrem aser San Chanu chuba menden nungi adoka, lungkonglabo mesüker sentsüprang taküm tsü ayong ayimer. Aser ayong anutzülen taküm süngdong liasü, koba asenoki mezüng Eden tsüki nung metet. Iba süngdong kenyongi balaka. Iba süngdongi süngjang tapu terana atanger, aser ita shia ken atanger. Aser süngdong süngoji kintem anebtsütsü asoshi lir.



Kotak nung anü mesüra ita tesangwa menüngdaker.  
Kechiyong Tsüngremer sentsüwangshi lagi ibaji  
sangwadaktsür. Idakji aonung mali.




Oda kotak nung aliba shirurutem balaka lir. Parnok ajak tazüokba nung aser putepa dang alir. Tzünü aser santem külemi rem achir. Molusongzü tasashi tem-ia nashi pongji den külemi chiyonger. Kibubai ashir, "Ku temeshi tenem nung aliba shirurutemi kodanga meyirutsüsü mesüra meraksatsüsü."



Asenoki kotakji lunga reprangdangra, oset kari  
mabensa ta ajiteter. Itemji yamai: tejashi o  
jembiba mangashir, nisung shinga merarateper  
mesüra pei ajung  
asar mali.




Keshi kecha nunga teshibangba mali, kechiaser  
kotak nung aoer mali. Tiazü jembir, nisung tepseter,  
temenen nungi ain mesüra ashikelaker mali. Kotak  
nung temenen  
tapu kecha  
mali.



Kotak nung nüktsü ayimba  
mali, ken kenbo Tsüngrem  
nisungtemi alima nung tejashi  
tulu angudang nüktsü ayimer.  
Saka kotak nung nüktsü ajak  
Tsüngremi aidoktsüsü.



Kotak nung tasüba-a mali. Saka nisungtem teti  
Kibuba den alitsü. Joko tejashi mali, tajeba mali,  
kangshiteptsü mali, shirangba mali, tejashi tepila  
mali mesüra asü pilaba mali. Kotak nung aliba pur  
ajak tepela nung  
tatem maka  
Tsüngrem  
den alitsü.



Item ajak rongnung tajungtibaji kotakji tebur aser  
tetsür chanu (aser tain tem) shibai yisu Khrista  
parnok tekümzüker ta amanga Pa tashi angar, parnok  
meyong lir. Kotak nung kaket ka lir, koba dang San  
Chanu indang Takum Kaket ta ajar. Iba  
kaket ya nisung tenüng agi sünga lir.  
Nai-a shiba tenüngsa zülüa lir,  
meteter ma? Nisung  
shirnokisa Yisu dak  
tamang ayu, parnok  
tenüng lir. Nü  
tenüng-a zülüa  
lir mali?



Laishiba tatembang o tem, asenok kotaki tejaokba  
o tajung lir. "Aser tanela aser tanioklai 'Arung!' ta  
ashir. Aser shibai angashir pai 'Arung!' ta shiang.  
Aser shiba tzürar pa arudakjang; shibai mulunger  
pai angati taküm tzü  
agiang."



Kodak, Tebur Tajung Tsüngrem Ki

Tsüngrem o nungi otsü ka, Laishiba,

yangi angutsü

Yohan 14; 2 Korint 5;  
Jungkai Adokba 4, 21, 22

"Nü o aitba ajanga tesangwa agütsür."  
Tenüngsang Ken 119:130





Tatembang



Iba Laishiba otsüi asenok dang asen tesüngmangtsü Tsüngrem indang ashir, shibai asenok yanglu aser shibai Pa indang ne nem metetdaktsüner.

Asenoki mapa tamajung inyakba tsüngremi meteta lir. Item mapa tamajungdang Pai temenen ta ajar. Temenen ta-a ji tasüba, saka Tsüngremi na oda meimnung Pai Pei ajaso chir, Yisu, na menen nungi alangzüktsü asoshi kangki nung angenloktsü yok. Saka Yisu tasü nungi shia aru aser kotaki meyiba ao! Nai Yisu dak amanga ne menen tatok meshira Pai tai adoktsü, Pai magutsüi malitsü! Pai tanga ne den arua ne dak alitsü, aser na Pa den tatem maka alitsü.

Nai ya ochi-a ta amangra, Tsüngremdang ya shiang. Temeim Yisu, ni na Tsüngrem chir ta amanger, aser na onok menen asoshi asü, aser na ano tanaben taküm lir. Yimlibelema kü takümi na aidang aser kü nem temenen tatok agüjang, aji ang la ni taküm tasen akatsü aser kenü anogo ni ne den arua tatem maka alitsü. Ni nü tashi angatsü aser na asoshi ne chir ka ama alitsü nai ni yariangma. Amen.

Anogoshia Laishiba züngang aser Tsüngrem den jembiang!  
Yohan 3:16

